

巫山縣志卷十

祥異志

天地之間災祥萬狀人間禍福冥不可知然惠迪吉從
逆凶其理固不爽也所貴君子知幾達人知命履信而
思順思患而預防焉庶幾天人之理一以貫之矣志祥
異

明嘉靖甲寅年夏一夕暴雨霹靂震驚鬯宮大成門移
進二尺許堦砌欄楣秋毫無損次年邑明經楊濂入北
闡發解

巫山縣志

卷十

祥異

一

嘉靖二十四年熊入人家

萬曆十六年見黃龍卧於縣東之筮篨山嶺次年郭維
禎成進士人以爲其徵驗云

萬曆丙午年見烏龍掛於縣治之南是年邑廩生楊世
祿中本省鄉試

天啟年間人家門戶後有痕類粉其形如針城市村鎮
皆然民間闕傳天散粉針不知何祥

崇禎五六年間治西二十里赤溪洞附近居民常於月
夜見各山間有兵馬旌旗之狀復聞征鼓喧闐之聲至

甲戌年流寇破城

崇禎六年八月十五夜地動自亥至丑方止

崇禎己卯夏南城外民一彘育豚而死剖腹視之中無異形豚身猴耳猴目象鼻額突出尖瘤觀者以鼻上湊則腿開垂則眼合

崇禎庚辰年縣前江邊沙湧如臺方廣數丈高三四尺未幾楊嗣昌督師入蜀邑令沈向迎之榜其臺曰新築沙堤過後復爲平沙

順治丙戌年未入版圖時有虎每夕入市哮吼震地民

巫山縣志

卷十

祥異

二

間雞栖厨竈皆爲所擾驅逐之聲達旦次年賊首李過名一隻虎渡江南鄉遂亂嗣有虎數十成羣傷人食物不可勝紀

戊子己丑年凡民間雌雄雞翅端皆有一爪如距

己丑年城東草庵中梁偶如蟲蛀木末落地如錢頃刻奇莖異葉布地而生掃之不除方廣徑尺民間閩傳爲莎蘿樹識者以爲馬蹄化云

辛卯年秋九月夜分有二鳥飛鳴前則聲似鵝而緩後者聲似鴨雛而急有類鸚鵡不知徙於何處幾二十年

復見

壬辰年袁宗第竊據大昌時霜降節祭旗燾於東郊是夜天朗氣清星光燦爛至四鼓忽見中天一物蜿蜒如龍下見頭爪金甲奪目直透碧空而沒其時營中火藥忽發眾驚愕識者以爲天狗星云

辛丑年大昌城西田中有鳥似鶴而頭大於鶴營兵迫之不飛報於袁宗第袁卽往觀令驅之鳥緩行數步而仆就執之死矣

壬寅年川督李國英進兵夔關袁宗第退札當陽大寨

巫山縣志

卷十

祥異

三

有望見白氣成團儼如綿絮者三從天而墜於對山之麓化爲白馬二後隨如羊數千由東往西騰躍而去

康熙甲寅年吳三桂僭據時春月治東地名馬坪居民金學家特產一犢三目四耳舌端有缺胸列四蹄脊後分爲二身各二蹠一尾

丙辰年吳三桂僭據時地名匡家山有見大蛇負小蛇而趨又見蛇吞蛇其年秋里民韓熙鋤地聞人聲四顧則無所見復俯首而鋤又聞有喝閃開者再驚視之見草中一大蛇急拽鋤而奔蛇旁田遂陷熙亦無恙

丁巳年吳逆僭據時治東南楊柳坪雨血鋪地數丈大者如錢凝於石者如紅膏又治之西南地名泗灤雨血亦如之

其年夏月一夕暴雨如傾詰朝東嶽祠周圍簷下死雀數百識者以爲湯殺雀云

戊午年吳逆僭據時東村楊鄉紳家東廂房內蟻作複道如藤蘿之狀纖枝細葉極其分明自地達簷蟻往來其中人咸異之

康熙二十二年癸亥三月內大昌里民李登龍家水牛

巫山縣志

卷十

祥異

四

生一犢兩脊相連八腳二腹四耳兩目一口雙尾

康熙甲子年天旱知縣向登元捐穀賑恤不成災

康熙二十四年乙丑五月十八日暴風雨雹拔樹傷禾居民房屋十廢其三知縣向登元捐資糧賑之其年十月初七日空中有聲如炮野雉皆鳴

嘉慶十八年秋恆雨歉收

道光六年丙戌二月二十八夜月黑無光天半墜一星大如車輪忽長七八十丈由東南飛向西北閃閃爍爍流光四射如白晝然半時光盡依然四望如墨次年境

內夏秋大旱

道光十六七年間歲歉山荒南鄉鐵廠坪一帶有豺獸
猙獰成羣噬人甚多地方紳耆請示招募獵戶戕獲一
隻其形花面赤睛長身修尾迴異常獸地方設壇禱祝
餘獸逃匿民始安堵或亦刼數然歟

道光二十四年夏大旱禾稼不登

二十五年歲大熟

道光二十七年忽民間訛言賊起四鄉搬家入城避賊
者扶老攜幼絡繹不絕夜間聞有千軍萬馬之聲次年

巫山縣志

卷十

祥異

五

遂有粵匪起事調取川兵征勦陣亡者不知幾千萬人
矣至今咸曰過陰兵

咸豐二年歲歉民挖蕨根充飢幾不聊生幸野竹開花
結實其米較稻米味差淡救活貧民無算

咸豐五年大有

六年五月初八日辰刻地震

咸豐十年六月大水入城順城街市多半傾圮

十一年辛酉五月彗星出西北方其長經天月餘始滅

同治七年三月雹大如雞卵六月初二日午刻地震

九年庚午六月大水城垣民舍淹沒大半僅存城北一隅人民奔逃潰亂不法之徒乘隙竊發邑令李詠拘爲首者繫棄江心爲從者割耳徇示逃水之民始獲安靖水退人民無處覓食倉廩被水淹塌任民從淤泥中分取溼穀暫救眉急後乃詳請賑恤民困始甦四鄉禾苗復遭蟲壓秋收歉甚

六月二十一日午時地震

同治十二年蝗蟲爲災歲歉無收

光緒初年四山野豬羣起蹂躪苗稼洋芋尤甚縱召獵

巫山縣志

卷十

祥異

六

戶戕獲百餘無濟於事嗣後突出獸名馬彪形似貓爪食豬臟其害始息

光緒二年歲大熟嘉禾連穎有一本兩歧者歷三年四年皆豐

光緒五年春三月冰雹南岸朝洞巖處尤甚詳請賑恤五月十二日卯刻地大震移時始止次日復震同日而震者五省

光緒九年旱荒民飢食樹皮草根殆盡

邑令祝鶴年詳請平糶

光緒十一年七月三十日是夜滿天星河天河內忽降

一星大如月自東向西奮飛而去光輝閃爍軋軋有聲

光緒十二年十月三十日夜星隕如雨

十五年秋陰雨連旬穀糧霉爛次年奇荒

十七年夏大旱無禾

十九年六月二十三日未刻烏龍見於治西南之永豐

口